



UNIVERSITÄTS-
BIBLIOTHEK
PADERBORN

Universitätsbibliothek Paderborn

Eyn Sermon von dem vnrechten Mammon

Luther, Martin

[Erfurt], 1522

VD16 L 6068

Textteil

urn:nbn:de:hbz:466:1-31994

¶ Wie wol ich bisz her yn den Postillen vnd yn mey-
nen büchlin/von christlicher freyheyt vnd gutten wer-
cken so vbirflüssig geleret hab. wie das alleyn d̄ glawb
on alle werck. rechtfertige. vnd darnach gutte werck
thue. das ich billich hynsurtt/dauon stille schweigen
sollte/vnd eynß iglichen verstand vnd geyst råwm las-
sen. alle Euangelia von yhm selbs tzu verstehen vnd
ausz tzulegen. Noch spure ich. das gar bey wenigenn
hafften vnd gedeyen will. vñ lassen sich ymer abschre-
cken vnd schewen die spruch. die von gutten wercken
sagen. Das ich wol sehe. wie es nott were. entwed
der alle Euangelia zu postilliern odder/an allen ort-
ten verstendige prediger bestellen die mundlich solichß
deuten vnd lereten.

Alszo ist das heuttige Euangelion. wo es on geyst
mit blosser vernüfft angesehen wirt eyn recht p fesslich
vnd munchs Euangelion. das fur den geitz vnd tzu
eygenen wercken aufftzurichtenn nutzlich were. Den
Da Christus spricht. Achacht euch freunde von dem
vnrechten abhamon. auff das: wenn yhr nü durbet.
sy euch auffnehmen yn die ewigen hutten. Czwin-
gen sy drey stuck erauß widder yn ser lere vom glauben
Nemlich. auffß erst haben wir glert/das allein der
glawbe rechtfertig vnd von sunden helffe. auffß an-
der das alle gutte werck sollen dem nehisten außz frey-
er liebe vmbsonst geschehen. auffß dritte das wir auß
der heyligen odder anderer verdynst nychts stellenn
sollen.

Widder das erst. lautt. das hie der herz sagt. macht
euch freundt von dem vnrechten abhamon. gerade.
als sollt das werck vñß tzu freunden machen die wyr
vorhyn feynde weren. Widder das ander lautt. das
er sagt. auff das sie euch yhm die ewigen hutten nemē.
gerad: als solltenn wyr das werck vñß tzu nutz vnd
ymb vnser willen thun. Widder das dritte lautt. das

er sagt. die freunde mögen vns auff nehmen yhn die ewigen hutten. gerad. als sollten wyr den heilige vmbß hymels willen dienen vnd vns auff sye verlassen. Hier auff müssen wyr vmb der schwachen willen antworten.

Auffs erst Das alleyne der glaube früm vnd Gottis freund mache.

Den grund muß man on alles wancken lassen bleibe das der glawb. on alle werck. on allen verdienst. den mensche versüne mit gott vnd frum mache. wie Paulus sagt Ro. 3. Wyr halltenn das der/menschen on alle werck des gesetzt. durch den glaubē frum macht. Item Ro. 4. Abraham ist seyn gläubē tzur gerechtikeyt gerechnet als auch vns ꝛc.

Item Ro. 5. Durch den glawben sind wyr gerecht ferttigt vnnnd haben frid mit gott. Item Ro. x. Von hertzen glawbt man/so wyrt man rechtferttig. Disze vnnnd der gleichen spruch viel mehr. muß man fest halten. vnd drauff sich verlassen vnierruckt. Das dem glauben yhe alleyn. on allē tzusatz der werck werde tzu geeigent. die vergebung der sund. vñ rechtfertigunge

Item des für dich/das gleychnisz. das Cristus Matt. 7. setzt. Eyn gutter baum bringt gutte fruchte Eyn boser baum bringt bose fruchte. Da sibiñtu das nicht die fruchte den baum gutt mache. sondern on alle fruchte/vnd fur allen fruchten. muß der baum vor hyñ gutt seyn/odder gutt gemacht werde. Wie er auch sagt. Matt: 12. Macht entwedder den baum gutt/so werden die fruchte gutt/odder macht den baum bosz so wirt die frucht bosze. Wie kundt yhr gutts reden weyl yhr bosze seyt. Also istß strackß war. das der mensch. on alle gutte werck vnd fur allen gutten werken muß tzuuor frum seyn. das es klar ist/wie vns

müglich es sey daß er durch werck solt frum werden
wo er nicht tzuuor frum ist ehe er die gutt werck thut.
Den Christus besteht feste da er sagt. Wie kundt yhr
guttis reden weyl yhr bosze seyt? Also auch wie kund
yhr guts thun weyl yhr bosze seyt.

¶ Darumb schleusst sichs hie mechtiglich. Das ett
was grossers vnd kostlichers da seyn muß den alle
gutte werck sind. da durch der mensch frum werd vñ
gut sey ehe er guttis wirck. Gleych wie er leylich muß
tzuuor gesunde seyn: ehe er erbeyt vñnd gesunde werck
thut. Dasselb grosse vñ kostlich ding ist. daß edle wort
gottis / das ym Euangelio gottis gnade yñ Christo
predigt vñnd anbeutt. Wer das horet vñnd glawbt der
wirt da durch frum vñnd gerecht. Darumb heysst es
auch. Eyn wort des lebens. Eyn wort der guad. Eyn
wortt der vorgebung. Wer es aber nicht horet odder
nicht glawbt d kan sonst yñ keynem weg frum werde
Also sagt S. Peter act. 15. Das got die hertzen durch
den glawben reynige / den welcher artt das wort ist /
der artt wirtt auch das hertz / das dran glewbt vñnd
hanget. Nun ist das wort / lebendig / rechfertig / war
hafftig / reyn / vñnd gut zc.

Was wollen wyr den nu zu den spruchen sagen die
so hart auff die werck dringen / da der hertz hie spricht
Ißacht euch frunde von dem vnrechten Ißammou /
Item Ißatt. 25. Ich bin hungriig gewesen / vñnd yhr
habt nicht nicht gespeysset zc vñ der gleichñ vyl mehr
die allzu mal lauten alls musten wyr / durch werck
frum werdenn? Wyr wollen also antwortten. Es
seynd ettliche die das Euangelion vñnd vom glawben
hören odder lesen / vñnd fallen schwind drauff / vñnd
heysse das glawben / daß sy dencken: Sy dencken aber
nicht weytter denn glawbe sey cyn ding / daß yñ yhrer

machtstehe tzu habenn odder nicht tzu haben/als ein
ander natürlich menschlich werck: Darumb wen sye
yn yhrem hertzen eyn gedanckē tzu wege bringen/der
do spricht/warlich die lere ist recht/vñ ich glaubsz es
sey also/szo halt meinenn sy/der glaub sey da. Wen sy
den nu sehē vnd fūlen an yhn selbē vñ an den anderē
/das kein enderung da ist/vnd die werck nicht folgen
vnd bleiben weye vorhyn yn allem weszen so duncktsy
:der galwbe sey nicht gnug/es muß etwas mehr vnd
grosser da seyn

Sibe szo fallen sie den do her/vnd schreyen vnd sa-
gen. Ey der glaub thutts nicht allein. Darumb? Ey
darumb/seind yhr doch szo vil/die do glauben vñ thū
nichts mehr den vorhinn/sindñ sich auch gar nicht
anders gesynnet den vorhyn/das seind sie/die Judas
ynn seiner Epistel trewmer heyst/die sich mit yhrem
träwm selbs betriegē/den was ist solcher yhr gedan-
cken/den sy glauben heysseyn/den nur eyn träwm vñ
eyn nachtbild vom glauben/das sy selb von eygener
krafft on gottis gnad yn ihrem hertze gemacht haben
/die werden darnach erger den sy vorhyn waren/den
es gehet yhn wie der herz sagt Math. ix. Das sy most
fassen yn allte schleuch vnd tzu reissen/das ist gottis
wortthorensy vnd fassens nicht. Darumb tzu rey-
sen sy vnd werden erger.

Aber der recht glawb/dā wir von reden/lesst sich
nicht mit vnsern dancken machen/Sondern er ist ein
lautter gottis werck/on alles vnser tzu thun yn vns.
Wie paulus sagt zu den Romern. Es ist gottis gab
vnd gnad durch Christum erworben. Darumb ist er
auch gar ein mechtig/thettig vnruhgig scheinig ding
der den mensche gleych vernewert/anderweit gepirt
vnd gantz yn ein new weisse vnd weszen furet/also
das vnmuglich ist/das der selb nicht sollt on vnterlaß
gotts thun.

Den also natürlich der baum frucht tregt/so natürlich folgen dem glauben gutte werck vnd gleich. wie keyn nott ist dem baum zu gepieten das er frucht tragt/also ist dem glewbigen keyn gepot (wie Paulus sagt 1. Thim. 1) gesetzt/ist auch kein not/dazu das er guttis thu. Sondern er thutt von yhm selber frey vñ vngewungen/gleich wie er on gepott von yhm selber schlefft/isset/trinckt/kleidet/sihet/horet/redet/gehet/vnd stecht. Wer nu diszen glauben nicht hatt/der ist eyn vnnutzer schwetzer von glauben vnd wercken/weysz selb nicht was er saget odder wo hymn sich tzeucht. Den er hatt nicht entpunden vnd treybt also lügen spiel/vnd deuttet die schrift die vom glauben vnd wercken redet/auff seynen trawm vnd falschen gedanken der eyn menschlich werck ist. So doch die schrift beyde/glawbe vnd gutte werck nicht vns/sondern alleyn gott tzu eygent.

Ist aber nicht eyn verkeret blind volck? Sie leren/wyr kundn keyn gut werck von vns selber thun/vnd fahen ann vermessen sich das aller hobist werck gottis/nemlich/den glauben/von yhn selbs tzu machen auß yhren falschen gedanken. Darumb hab ich gesagt/wir sollen an vns selb verzagen vnd got bitten/wie die Apostel thetten/umb den glauben. Wen wyr den haben/so durffen wyr keyns dings mehr/den er bringt den heyligen geyst mit sich/der selb leret vns den nicht allein allerley. Sondern thutt auch mechtiglich dahyn/vnd furet vns auch durch todt vñ hellen hymel.

¶ Nu mercke das wyr tzur voriger antwortte kommen. Umb solcher trewmer vñnd ertichten glauben willen furet die schrift solche spruch von den wercken nicht das man durch die werck frum solle werden. Sondern das man da mit eusserlich beweyss vñ vnterscheid neme/tzwyshenn dem falschen vñnd rechten

glauben den wo der glawbe recht ist da thutt er gutts

Thutt er nicht gutts/so ist gewisz
lich eyn trawm/vnd falscher wahn vom glawben.
Darumb gleich/wie die frucht am baum nicht gutte
baum machen/aber sy bewysen vñ bezugen dennoch
euserlich das der baum gutt sey. Wie Christus saget
Eyn iglich baum wirt an seynen fruchten erkandt:
Also sollt yhr sy auch an yhren fruchten erkennen.

¶ Ausz dem siehestu nu/das es eyn gross vnter
scheyt ist/frum sein vñ frum erkand seyn:odder frum
werden/vnd frumkeyt beweyssen. Der glawb mache
frum/aber die werck beweyssen den selben glawben
vñ frumkeyt. So hellt nu die schrift die gemeyne wey
se tzu reden/dye vnder den leutten geht/als wen eyn
Watter tzu seinem. Son sprech: gehe hin vñ sey barm
herzig vnd guttig vnd freintlich Dem odder dem
armen. Damit heyst er yhn nicht barmherzig noch
guttig/noch freuntlich werden. Sondern weyll er
schon guttig vnd barmherzig ist/will er/das ers yhe
nem auch euserlich mit der thatt erzeyge vnd bewis
se. Ausz das die gutte/die er bey yhm selber hat auch
andern lasse bekandt werden vnd tzu gutte komen.

¶ Also solltu auch alle spruche der schrift von de
wercken deuten/das got damit will/das wir die ent
pfangene frumkeyt ym glawben/sollen lassenn ausz
brechen sich beweyssen vñ andern nutz werden/auff
das der falsche glawbe erkennet vnd ausgerottet wer
de. Wen er gibt nymant seyn gnad also/das sie sol
le stille liegen vñ keynen nutz mehr schaffen: Sondern
das sy wuchern sall vnd durch bekentnisz vnd offent
lich beweyzung auswendig yderman tzu got reyzen
Wie Christus sagt Matthe. 5. Last leuchten ewr
licht fur den leutten/auff das sy ewr gutewerck ses
hen vnd got preysen. Sonst were es wie eyn verbor
gener schatz vñ verholene weyszheyt was sind die alle
beyde nutz?

¶ Ja damit/wirt die frumkeyt nicht alleyn andern
bekand/sondern auch yhr selb gewisz/das sy recht
schaffenn sey/wie. S. Peter z pe i sagt. Weyssigt euch
durch gutte werck ewer erwelung gewisz vnd fest zu
machen/den wo nicht wercke folgen/kan der mensch
nicht wissen/ob er recht glawbe. Ja er ist gewisz/daz
seyñ glawb eyn trawm vñ nicht recht/so wirt Abra
ham gen z z seynß glawbens vnd gottis furcht gewisz
/das er seynen son opfferte/wie den die schrift sagt
Nu weysz ich das du got furchtist (das ist nu istis of
fenbar/das du got furchtist) weyll du deynem eynyge
Son vmb meynet willen nicht verschonet hast:

So bleybe nu darauff/das der mensch ynnwendig
ym geyst/fur got/alleyn durch den glawbem/on alle
werck/rechtfertiget wirt Aber eußerlich vñ offentlich
fur den leutten vnd fur yhm selber/wirt er rechtfertig
durch die werck/das ist er wirt bekandt vnd gewisz
da durch/das er ynnwendig rechtschaffenn glewbig
vnd frum sey. Was du also mugest eins nennen/eyn
offenbar rechtfertigung/das ander eyn ynnwendig
rechtfertigung/als doch. Was die offenbare rechtfert
igung/nur eyne frucht folge vnd beweysung sey der
rechtfertickeyt ym herczenn/das der mensch da durch
fur got nicht rechtfertig wirdt sondern zuor rechtfert
ig fur yhm seyn muß/gleich wie du des baumß fruch
te magst nennen eyn offenbar guttikeytt/des baums
die da folget vnd beweyset seyn ymmerliche naturliche
gutte.

Was meynet. S. Jacobus yn seyner Epistel da er
spricht. Wer glawb on werck ist todt. Was ist weill die
werck nicht folgen/ists eyn gewisz tzeychen das keyn
glawb da sey/sondern eyn tochter gedanke vñ trawm
den sy falschlich glawben nennen. Also versthen wir
nu dis wort Christi Machet euch freund von dem vn
rechten Sammon/das ist/beweiszet offenbar mit eu

serlichem gebē ewren glawben/damit yhr freünd vbr
komet/das die armen ewrs offinbarn wercks tzen/
gen sein kunden/das yhr recht schaffen glerobt habe
Wen das euserlich geben von yhm selber mochte nym
mer mehr freündt machen/wo es nicht auß dem glau
ben geschech. Syntemal Christus Matt. 6. Der pha
riseer allmosen verwirfft/das sy kein freündt da mit
mächte weyl das hertz falsch war. Nu wirt yhe kein
hertz recht on den glauben/das also auch die natur
tzwingt tzu bekennen/dz kein werck frum macht/son
dern das hertz tzuor frum vnd gutt sein muß.

Zuffs ander/das alle werck sollen vnd müssen frey
vmbsonst geschehen/vnd kein nutz da durch gesucht
werden.

Das will Christus da er spricht Matt. x. vmbsonst
habt yhrs/vmbsonst gebts auch. Wenn gleych wie
Christus mit allen seinen wercken/nicht hat den hys
mel verdienet. Wen er war tzuor sein/sondern hat da
mit vns gedienet/nichts eygenß angesehen noch ge
sucht/den die tzuwey stuck/vnser nutz vñ gottis vatter
ehre/also sollem auch wir ym allen gutten wercken
nichts vnserß suchen widder tzeytlich noch ewiglich.
Sondern gotte tzu ehren/frey vmbsonst vnserm nehis
sten nutze sein/das meinet. S. Paulus Philipp. 2.
Seit gesynnet wie Christus/da der yn gottlicher for
me war/hat er sich des geeuffert. vnd ein form eins
knechts angenommen. Was ist/er hatte fur sich selb
gnug/als/der alle fulle der gottheit hatte/doch hat er
vns gedienet vnd ist vnser knecht worden.

Und ist die vrsach. Wen syntemal der glawbe/recht
fertiget/vnd sund vertilget fur got so gibt er auch dz
leben vnd seligkeit/so were es yhe nu ein schmach vñ
schäd de glauben altzu nahe/dz yemad wolt ettwas
leben odder thun vmb das wilchs der glawbe schon
hat vñ mit sich bringet gleych wie Christus sich selbs

geschmecht hette/wen er darumb hette wollen guttis
thun/das er gottis Son wurde vnd ein herz vber alles
/welchs er schon zuuor war: Nu macht vns yhe der
glawbe tzu gottis kinder/als Johan. i. sagt. Er hatt
yhn macht geben gottis kinder tzu werden/die an sey
nen namen glewben Sinds aber kinder/so sinds auch
erben Ro. 8. vnd gal. 4. Wie konnen wir den ettwas
thun vmbis erbe tzu erlangen/das wyr schon haben
durch den glawben?

Was wollen wir den nu sagen tzu den spruchen die
auff das gut leben dringen vmb des ewigen lohns wil
len/als diser thut/macht euch freund von dem vnrech
ten mammon Vnd Matt. 19: Willtu ynß leben komen
so halt die gepot. Item Matt. 7. Samlet euch schetze
ym hymel zc. Was wollen wir sagen/das die Zhe
nigen die den glawbē nicht kennen/reden vnd denck
en eben von dem lohn/wie vō den wercken den sy mey
nen/ef gehe hie menschlischer weyße tzu/das sy das hy
melreich verdienen müssen mit yhrem thun/das sind
auch trewme vñ falsche gedanckē Von denen sprichtt
Abalachias Wer ist vnter euch der mir vmbsonst ein
thur tzu thette? Es sind knechte vnd gneßsuchrige
miedlinge vnd taglohner die hie aufferden yhren lohn
entpfahen wie die phariseer mit yhrem betten vnd
fasten: Matt. 5:

Sondern also hellt sich mit dem ewigen lohn das
gleych wie die werck naturlich dem glawben folgenn
(als droben gesagt ist) also das nicht not ist sy tzu ge
pieten/sondern vnmuglich das sy der glawbe nichtt
thun sollte/on das sy darumb gepotten werden/das
man falschen vnd rechten glawben erkenne. Also
folget auch naturlich on alles suchen/das ewige lohn
/dem rechten glawben/also das vnmuglich ist/das
es nicht komen sollt/ob sein auch nymer begerdt noch
gesucht wirdet Doch wirtts antzogen vnd verheyssen

auch darumb/das die falsch glaubigen vñ recht gley-
bigen erkennen werden vnd yderman wisse/was nach
guttem leben von yhm selber folgen werde.

Des nym ein grob gleychnis. Sihe/die helle vñ der
todt ist auch gedreuet der sunden/vnd folget der sun-
den noch vñ yhr selv on suchen/den niemant thut dar
umb vbel/das er wolle verdamptt werden/sondern
wollt viel lieber entfliehē. Aber dennoch ist die folge da
/vñnd were auch not/das mans verkündigt/den es
wurd sich doch selv finden/aber darumb wirtts ver-
kündigt/das man wisse was folgen werde nach bo-
sem leebn. Wie nu hie dem boselen sein lohn folget
on sein gesuch/also folget auch dem gutten leben sein
lohn on gesuche. Wen du gutten odder bosen wein
trinckist ob du es gleich nicht thust vmb geschmack
willen/so folget er doch natürlich von yhm selbs:

Wen nu Christus spricht. Achacht euch freunde/sam
let euch schetze/vñnd des gleychen So sihestu das die
meynung ist Thu gutt/so wirtt folgen von yhm sel-
ber on deyn gesuch/das du freund habest/schetz ym
hymel findist/lohn enpfahist/also das dein auge ein-
felltiglich auff das gutte leben wartte/vnd nichts vmb
den lohn sorgist. Sondern genug habist das du weys-
sist vnd gewis bist das es folget/vnd lessist got da fur
sorgen/denn wilche auff den lohn sehen/das werden
trege vnd verdrossene erbeytter/vnd lieben den lohn
mehr den die erbeyt Ja werden d arbeit feynd. Damit
wirtt auch gottis wille/der die erbeyt gepentt gehasset
vñnd musz also ein solchs hertz gottis gepott vñnd
willen tzu letzt mude werden.

Zufft dritte. Das nicht die heyligen Sondern allein
gott in die ewigen hutten nympt vnd lohn gibt.

Das ist yhe so klar das keiner beweyssung be-
darff. Den wie sollten vñns die heyligen yn den hymel
nemen/so ein iglicher fursich selv bedarff/das yhm

got allein in hymel neme. Und ein iglicher fur sich selb
kaum genug hat. Wie das antzeygen die klugen Jung
frawen. Matt. 25. die nicht wollten ehr ole mit teylen
/den torichten And. 1. pe. 4. spricht der gerechte wirt
genaw selig. Und Christus Johanes. 3. Niemand
feret gen hymel den der ernydder gefaren ist / des men
schen Son / der ym hymel ist.

Was wollen wir den hie tzu sagen / das Christus
spricht Macht euch freunde / auff dz sy euch in die
ewigen hutten nemen? Was wollen wir sagen. Auff
erst / das diser spruch nichts redet von den heyligen
ym hymel. Sondern von den armen vnd durfftigen
auff erden / die mit vns leben / als sollt er sagen. Was
bawistu kirchen / stift / vñ heyligen dienst meiner mut
ter. S. peter. S. paul / vnd andern verstorben heyligē?
Sie bedurffen widder solchs noch keynß deins andern
diensts Sie sind auch nicht deyne freunde / sonder
dere die zu yhren tzeytten gelebt vñ yhn wol thun ha
ben. Warte du deyner freunde / das ist / der armen
die tzu deiner zeit vñ bei dir leben / dein nehister nach
pur / der deiner hülffe / darff den mache dyr mit dein
men mannon tzu freunde.

Auffs ander. Solchs auffnemen in die ewigen hut
ten / ist nicht tzuuerstehen / dz die menschen thun wer
den Sondern sy werden ursach vnd tzeugen sein vn
serß glawbens / an yhn gaubt vñ beweyset vmb wilchß
willen got vñ in die ewigē hutten nimpt. Den solichs
ist / die weiszeder schrift tzu reden. Wen sy spricht / die
sunde verdampt / der glawe macht selig / dz ist / sund
ist ursach das got verdampt / vñ glawe ist ursach /
das er selig macht. Wie man denn auch yn gemeyner
weyß allenthalbñ spricht. Deine boszheit wirt dir
das ungluck bringen / dz ist deine boszheit ist deinß vn
gluckß verdinß vñ ursach. Also nemē vñ die freund
gen hymel. Wen sy ursach sind / durch vnsern glawben

an yhn erzeyget des himel reichs. Was sey von den
dreyen stucken geredt.

Hie bey tzu mehrem verstand des Euangelij sind
drey fragen. Was Ahammon sey. Warumb es das vn
recht Ahammon sey. Wie Christus vns heysse dem vn
rechten haupthalter folgen/der doch mit seinẽ herzen
schaden sein nutz schafft/wilchẽ on tzuweyffel vnrecht
vnd sünde ist. Auff erst. Ahammon ist Ebreisch/
vnd heysse so viel/als reichthumb odder zeyttlich gut/
nemlich/das/der yemand vbrig hat tzu seynẽ stand/
vñ da mit er dem andern wol kan nutz seyn/on scha
den/den Hamon auff Ebreisch heysse/menge odder
großer hauffe vñ viel: Daraus wirt den Ahammon
odder Ahammon/das ist die menge des guttes
odder reichthumb.

Auff ander heysse es vnrecht Ahammon/nicht dz
mitt vnrecht odder wucher erworben sey/den von vn
rechtem gut kan man keyn gut werck thun. Sondern
solls widder geben. Wie Ysaías sagt. Ich bin eyn gott
der dem opffer feynd ist/das vom raub kompt. Und
der weyse man spricht. Gib allmosen von dem dz dein
ist. Sondern darumb heysse es vnrecht/das es ym vn
rechten brauch ist/gleich wie S. Paulus spricht tzu
den Ephesern/das die tage böse sind so sy doch got
geschaffen hat vñ gut sind. Aber darumb synd sy bö
se/dz böse menschen yhr vbel brauchen/viel sund/er
gerniß vnd ferlickeyt den seelen drynnen anrichten.
Also ist/der reichthumb auch vnrecht/die weil sein die
leut vbel vnd zu vnrecht brauchen. Den wir sehen/wo
reichthumb ist da gehts wie man spricht/gutt macht
mut. Da kriegt man vmb/da leugt man da heuchlet
man/da thut man alle böszheyt widder den nehesten
das man gutt erwerbe/da bey bleybe/grosser mache
vnd die reychen freundschaft habe.

Sonderlich aber ist fur got darumb eyn vnrecht

Ammon/das man dem nechsten nicht damit dyes
net/den wo meyn nechster dar ist/vñ ich yhm nicht ges
be/das ich wol habe/so haltich yhm das seine mit vn
recht auff. Syntemal ich yhm schuldig byn tzu geben
nach dem naturlichen geset. Was du wilt das man
dir thu/das thu du auch. Und Christus hatt. 5. gib
yder man der dich bittet. Und Johannes in seiner
Epistel So yemand diser wellt guter hatt/vñ sibet sey
nen bruder darben/vñ schleusst sein hertz fur yhm zu
wie bleybt die liebe an yhm? Und disz vnrecht an dem
Ammon sehen wenig leutt/den es ist geistlich/auch
an dem gutt das auff aller redlichst erworben ist/
wilchß auch sy betrugt/ds sy meynen sy thñ niemand
vnrecht/weil sy nicht grob euserlich vnrecht thun mit
rauben stelen vnd wuchern.

Auff dritte haben sich viel hartt bekummert/wer
der vnrecht haushalter sey Das yhn Christo so lobt
Aber kurtzlich vnd einfeltiglich ist hie die antwort/
Das Christo den haushalter vnß nicht furhell vmb
seins vnrechtens. Sondern vmb seiner weiszheit wil
len/das er mitten ym vnrecht so weiszlich seinen nutz
schafft. Also wen ich wollt yeman zu wachē/beten vñ
studirn reytzen vnd sprich. Sibe die morder vnd dieb
wachen das nachts/des sy rauben vnd stelen/war
vmb wolltstu den nicht wachē das du bettist vnd stus
dirtist hie lobt ich nicht die morder vnd diebe/yhrß vn
rechten Sondern die weiszheit das sy so weiszlich tzu
yhem vnrechten komen. Item wen ich sprech. Ein
vntzuchtig weyb schmuckt sich mit gollt vnd seiden/
das sy iunge knaben reytz. Warumb wolltstu nicht
auch dich geystlich schmucken ym glauben/das du
Christo gefallist. Hie lobt ich die hurerrey nicht Son
dern den fleyße/den sy ybel anlegt.

Auff die weyße gleychet Paulus Ro. 5. Adam vnd
Christum/vnd sprichtt Adam sey ein bild Christi ges

wesen. So wir doch von Adam eyttel sund/vnd von
Christo eyttel gnad haben/die vnmeslich widdernan
der sind. Aber die gleychnus/vñ das bild/steht mir
in der folge odder gepurt nicht in d tugent odder vn
tugent in der gepurt/das gleich/wie Adam ein Vatter
ist aller sunder/also ist Christus ein Vatter aller ge
rechten Vnd wie alle sunder von einem Adam komen
also komen alle gerechten von einem Christo. Also
ist hie der vnrecht haushalter vñ auch furgebildet/
nur ynn seyner klugheyt/das er seinem nutz szo wol
schaffet/das vnser seelen auch also bedencken sollen
/mit recht wie er mit vnrecht ꝛc.

Faint, illegible text, likely bleed-through from the reverse side of the page.